

瀛環志略

本

理地		
管部	易記	歸冊
一	○	二
口		明
學校	縣中	送電

号



文久草秋仲新刊

徐繼畲著

井上春洋
森荻園

訓點

瀛環志畧

阿陽對嶧閣藏梓

印光堂

立參

瀛環志畧叙

奧自兩儀奠位。八極造基。北辰縣象。南維湊汐。周髀設四隅之喻。鄙行創九州之說。固知高卑夐絕。縱橫可度。其環周盈沖。顯殊經緯。易循其布祿。然而洪荒悠遠。甄索實難。禹貢紀要荒之域。未擴寰垠。周官志職方之典。僅賅中寓。其有探蹟殞紜。搜奇沈墨。則九都遼廓。名詭山經。十洲窅渺。記儕郢說。以為定論。殆或不然。史氏代興。殊方爰記。條支奄蔡。傳坤大究弱水流沙迹。窮西域。身毒啟疆於博望。大秦通譯於永元。至若青羌丹粟之鄉。縣度繩行之國。六朝以降。載籍屢傳。顧欲極亥章之步。掌示而數恒沙。探甲乙之藏。眉列而陣。坤載稽之羣冊。祇益懵如。松

龕中丞。綜貫百家。淹通七畧。智絕輿圖之學。識精形勢之言。蓋自簪筆西清。以迄建牙南嶠。固已韞五嶽於寸心。鏡三垂於尺素。又以為槃園孟方。乃宇宙自然之理。左舒右闢。實造化無窮之運。將牖荒而燭遠。必踐實以徵詳。於是旁蒐四裔。徧求衆說。爰有海西諸國。用呈續事。原其帆檣之所經。測候之所及。約其圍徑。參厯廣輪。準望分率。致為精審。譯其未達。制以為圖。並綴前言。藉成信志。效賈耽之畫。能別華夷。誦倚相之篇。遂兼邱索。方輿全體。粲然備焉。夫以大塊之積。元模之廣。絕以窮荒。阻以巨浸。剛柔輕重。旣殊其俗。陰陽燥溼。復異其宜。祝髮而裸。氣炎以舒。韁巾而裘。風肅而斂。蹶張十萬。伺星月之盈虛。標揷三方。

極風霆之變厲。託廩君於白廟。誓倓布於黃龍。露紳而謁祌神。焚頂而親梵法。襲屠耆之貴。則鎗戟稱雄。呈犉鞬之琛。則錐刀是競。倣詭情狀。控扼爰難。要其盛衰迭代之效。沿革遷流之故。割據并吞之勢。禍福倚伏之形。前後同軌。古今一轍。則觀伏波之聚米。善審機宜。蕭相之披圖。皆知阨塞。有心斯世者。宜可深長思矣。近世志外域者。代不乏人。然或咫聞尺見。鄙僥無徵。浩引曲稱浮夸。訛謬之襲。有識為譏。中丞獨埽讐言。衷諸一是。大鵝音而變響。訛謬之襲。有識為譏。中丞獨埽讐言。衷諸一是。大之囊括四隅。綦寘六合。小之犀燭品彙。象圖神姦。上之為遠撫長駕。攷鏡得失之資。下之為殫識博通。援核後先之本。而余又

與中丞共治海邦。撫輯彝夏。有以見其用志之密。度物之明慎。
樞機於一室。恢磅礴於萬里者。蓋如此也。

道光己酉夏四月。汶上年愚弟劉韻珂拜譔。

序

吾閱康熙年間西洋懷仁坤輿全圖。周圍九萬里。宇中山川城郭。民物。瞭如指掌。古之言地球者。海外更有九州。今以圖考。則不止九州。或曰九州天下八十一州之一。今以圖考。則無八十一州。或曰海則水之溢出于地者。地盡處復有大瀛海環之。天地之際在焉。圖中亦不記。或曰日較小千地。故能容光必照。長白何太安易說。天一度二千五百里。共八千餘萬里。如此則日不逾時。即周天。地球乃天中之一丸。圖中亦不載。上世山海經之奇怪。全屬空撰。近時海國圖志。大半臆說。即海國聞見錄。與輿圖尚未盡合。況能詳輿圖之所未詳乎。今福建中丞五臺徐

松龕博物君子也。自道光癸卯。于役廈門。得泰西人地圖冊子。每接晤。嘆嗟兩國人。輒披圖詢譯。于大地國土形勢。知其涯畧。復搜採雜書數十種。閱五載成瀛環志畧凡十卷。余讀其書。地球環北冰海而生。披離下垂。如肺葉。凹凸參差不一其形。泰西人分為四土。曰亞細亞。曰歐羅巴。曰阿非利加。此三土相連。在地球東半。別一土。曰亞墨利加。在地球西半。松龕先繪總圖。次各繪分圖。次考據。次論斷。而曰志畧者。如北冰海。人皆知之。南極之為冰海。懷仁輿圖弗著焉。故不敢言詳也。夫中國天地之心。四夷天地之四肢也。故自開闢。神靈繼生。伏羲神農黃帝堯舜禹湯文武代天立極。天君泰而百體從令。聖人出而萬國咸。

甯中庸稱聲名洋溢乎中國。施及蠻貊。舟車所至。人力所通。日月所照。霜露所墜。天之所覆。地之所載。凡有血氣者。莫不尊親。我朝幅員之廣。亘古無二。中華十八省外。南極越南。北極俄羅斯。東極朝鮮。西極雪山葱嶺。幾得亞細亞之全土。松龕幸生車書大同之世。海洋諸國梯航而至。詔其所經歷歐羅巴阿非利加亞墨利加者。謹志其所可信。間補懷仁輿圖之所未備。所以揚至誠配天之烈。百世言地球之指南也。

道光己酉孟春。友人瀘陽劉鴻翱撰。

序

吉甫撰郡縣之志。未盡域中。景純注山海之經。空談荒外。良以地理之學難精。而滄溟之大。尤不易知也。五臺徐招龕中丞博學多聞。兼綜條貫。嘗與論歷代典章制度。以及前言往行。無不元元本本。考核精詳。又以其餘釐正古書。鉤稽戎索。軼亥章之步。盡儻忍之疆。囊括鯨程。包舉鰐奠。著為瀛寰志略若干卷。自東南海島諸國。西至蒲昌鹿渾。北極伊連渤海。其疆域之延袤。道里之遠近。創建因革之故。山川民物之名。前史所未詳。博物所不紀。靡不瞭如示掌。浩若吞胸。聽鄙衍之談天。小儒咋舌。覽木華之賦海。才士傾心。蓋公自觀察此邦。駐旌泉郡。值番舶通

商之際。正譯書畢集之時。鰣潛魚轉。圖披王會。象胥龍節。識在周官。固已訪墮影於酉陽。獲鱗書於丙穴。鱗更可數。屏照無遺。洎乎攬柔遠之盡忱。膺巖畫之重寄。三山甘雨。萬里恬波。既覩十郡之康。遂續九邱之志。寒暑再易。勒為一編。洋洋乎宇宙之鉅觀。古今之絕業也。夫六合之外。聖人以不論存之。千歲之日。智者可坐而致之。故詢天之高廣。則仲尼子貢不能知。極人之短長。則僬僥防風可以決。豈非無徵者不信。多識者有功歟。是書博采前賢著述。正其舛誤。得所折衷。帝廟魯魚。無訾後世。石華海月。廣掇前聞。洵堪備史館之參稽。恢職方之紀載者矣。公今宣力閨疆。渥承宸眷。勲猷所至。譽望日隆。方將黼黻球圖。焜

煌鐘鼎。移海國見聞之筆。作太平寰宇之書。賜文錦以招來。毀毛車而更造。上佐天子。布大德於延紜。下綏黎元。樂匡生於衽席。豈惟是書之成為足。縱橫八極。表示千秋而已矣。

道光二十八年。歲在著雍涒灘。長洲愚弟彭蘊章拜譔。

序

天下有道。守在四彝。王者不勤遠略。而德意所涵濡。威靈所震攝。類皆有囊括區夏。甄鑄埏埴之勢。故禹貢紀要荒。周官有職方氏之掌。東南置侯。西北置尉。至於王母呈圖。鬼方效順。凡夫乾坤之所開。陰陽之所接。九夷八蠻之國。如在幕庭。蓋自羲軒以迄姬周之盛。鮮不由此。我國家金甌鞏奠。淳風鬯洽。固有意外。悉主悉臣。幅員之廣。超古軼今。其已隸典屬。奉正朔。歲時貢獻。修職而來者。固已駢蹄接踵。摩肩延頸。懽忻奔走。相望於道矣。即至窮髮赤裸。燋齒梟瞷之國。負固匪茹。間亦難馴。而德威所播。帖然就軌。由是海宇鏡清。飛艘雲集。表裏肅清。中外禔福。

於鑠乎盛哉。洵建中之上儀。混一之隆軌也。中丞徐松盦先生。以淳雅之才。兼文武之畧。文章經濟。炳燦一時。筮仕以來。徧歷海疆。近開府七閩。時天子方有事於柔遠。倚先生為長城。畀以東南重任。先生沈毅靜鎮。又推誠待物。宣揚仁風。恩威並濟。遠人安之。相與婆娑嘔吟。敲腋而笑。時古大秦所分諸國。悉遣渠酋。航海梯山。翕然歸至。先生撫綏之暇。每咨訪其形勢。得所謂地球圖。並秦西人所繪各國地圖。暨東南海島諸國。山川風土。物產習尚。與夫古今沿革變遷之故。瞭如指掌。又考訂古籍。著為之說。此瀛環志略一書所由作也。且夫四裔之荒。非查客所能周歷也。重譯之遙。非章夾所能盡履也。六幕之大。四維之廣。能周歷也。重譯之遙。非章夾所能盡履也。六幕之大。四維之廣。

非局蹐一隅。執管測蠡者。所能臆度也。是故傳十賚之文鄉。不離夫連石。探九梯之穴國。尚限於挹婁。寸覩咫聞。非所以邳張乾樞。標貫堃紐也。夷考山海經所傳。恠奇悄恍。荒誕而難憑。至穆天子乘八駿馬。周遊八極。而瑤華所載。疆索不詳。降及逸史方言。權輿於爾雅。濫觴於裨海。其書亦往往行於世。而言人人殊。徵實則繆。若先生以淵淵著作之才。精心考證。麟麟炳炳。足以補廣雅廣記所未逮。他日藏之祕府。頒在學宮。備輶車之咨采。佐史宬之蒐稽。振古龍衣。竒之士饋餉靡窮。而於國家撫馭之策。控制之方。實有裨益。緝熙帝圖。潤色鴻業。此物此志也。夫豈第遠搜僻壤。博采叢書。侈據摭之富。夸聞見之奇已哉。澤不敢

曩嘗監司浙東。歷沿海諸郡邑。近復奉檄來閩。因得從先生之後。勸理通商事務。時與泰西諸國人相往來。亦欲有所采擇。成一家之言。而才有未逮。靡所取裁。觀先生此書。躊躇滿志。不期遺我以測土之圭。授我以縮地之術。班孟堅云。博我皇道宏我漢京。方茲福矣。昔在成周之世。越裳來貢。周公作指南車。以歸其使。他日有策日影而至者。即以此書為指南之式也。可謹書其沿起而為之序。

道光二十八年。歲次戊申。秋七月。福山鹿澤長謹序。

地理非圖不明。圖非履覽不悉。大塊有形。非可以意為伸縮也。泰西人善於行遠。帆檣周四海。所至輒抽筆繪圖。故其圖獨為可據。道光癸卯。因公駐廈門。晤米利堅人雅裨理。西國多聞之士也。能作閩語。攜有地圖冊子。繪刻極細。若不識其字。因鈎摹十餘幅。就雅裨理詢諱之。粗知各國之名。然匆卒不能詳也。明年再至廈門。郡司馬霍君蓉生。購得地圖二冊。一大二尺餘。一尺許。較雅裨理冊子。尤為詳密。并覓得泰西人漢字雜書數種。余復搜求得若干種。其書俚不文。淹雅者不能入目。余則薈萃採擇。得片紙亦存錄勿棄。每晤泰西人。輒披冊子考證之。於域外諸國地形時勢。稍稍得其涯畧。乃依圖立說。採諸書之可信。

者。行之為篇。久之積成卷帙。每得一書。或有新聞。輒竄改增補。稿凡數十易。自癸卯至今。五閱寒暑。公事之餘。惟以此為消遣。未嘗一日輟也。陳慈圃方伯。鹿春如觀察。見之以為可存。為之刪訂其舛誤。分為十卷。同人索觀者多憊憊付梓。乃名之曰瀛環志畧。而記其緣起如此。道光戊申秋八月。五臺徐繼畲識。

瀛環志畧

會稽陳慶偕慈圃

參訂

五臺徐繼畲松龜輯著

福山鹿澤長春如

校讎

目錄

卷一

地球

皇清一統輿地全圖

亞細亞

亞細亞東洋二國

亞細亞南洋濱海各國

卷二

亞細亞南洋各島

亞細亞東南洋大洋海各島

卷三

亞細亞五印度

亞細亞印度以西回部四國

亞細亞西域各回部

卷四

歐羅巴

歐羅巴義羅斯國

歐羅巴瑞國

卷五

歐羅巴哩國

歐羅巴舉地利亞國

歐羅巴普魯士國

歐羅巴日耳曼列國

歐羅巴瑞士國

卷六

歐羅巴土耳其國

歐羅巴希臘國

歐羅巴意大利亞列國

歐羅巴荷蘭國

歐羅巴比利時國

卷七

歐羅巴佛郎西國

歐羅巴西班牙國

歐羅巴葡萄牙國

歐羅巴英吉利國

卷八

阿非利加各國

卷九

亞墨利加

北亞墨利加冰疆

北亞墨利加英吉利屬部

北亞墨利加米利堅合衆國

卷十

北亞墨利加南境各國

南亞墨利加各國

亞墨利加海灣羣島

峰縣續新德

堂弟繼壠校字

甥薄于遠

凡例

一此書以圖為綱領。圖從泰西人原本。鈎摹其原圖。河道脈絡。細如毛髮。山嶺城邑。大小畢備。既不能盡譯其名。而漢字筆畫繁多。亦非分寸之地。所能注寫。故河道僅畫其最著者。山嶺僅畫其大勢。城邑僅標其國都。其餘一概從畧。

一此書專詳域外。葱嶺之東。外興安嶺之南。印度之北。一切蒙回各部。皆我國家候尉所治。朝鮮雖斗入東海。亦無異親藩。背神州之扶翊。不應闡入此書。謹繪一圖於卷首。明拱極朝宗之義。而不敢贅一辭。

一南洋諸島國。葦杭閩粵。五印度近連兩藏。漢以後明以前。皆

弱小番部。朝貢時通。今則胥變為歐羅巴諸國。堵頭。此古今一大變局。故於此兩地。言之較詳。至諸島國。自兩漢時。即通中國。歷代史籍。不無紀載。然地名國號。展轉淆訛。方向遠近。亦言人人殊。莫可究詰。轉不如近時閩粵人遊南洋者所紀錄。為可據。此書於南洋諸島國。皆依據近人雜書。而畧附其沿革於後。五印度現為英吉利屬部。皆依據泰西人書。其歷代沿革。過於煩瑣。且半涉釋典。僅於篇中畧叙數語。以歸簡淨。

一西域諸部。迤南之波斯。天方諸國。泰西人繪有分圖。其葱嶺之西。裏海之東。波斯愛烏罕之北。峩羅斯之南。泰西人繪為

一圖。總名為達爾給斯丹。斯丹一作士丹。西域言國主也。元史訛為算端。又作算謫。乃古時康居。大夏。大宛。大月氏。奄蔡諸國。歷代變更沿革。亂如棼絲。近世士大夫從軍西域者。亦多所撰述。今止就見於官書者。約畧言之。不敢涉考據之藩籬。亦聊以藏拙云爾。

一日本越南。暹羅。緬甸諸國。歷代史籍。言之綦詳。今止就其現在國勢土俗立傳。而畧附其沿革於後。至歐羅巴阿非利加亞墨利加諸國。從前不見史籍。今皆溯其立國之始。以至今日。其古時名國。如巴庇倫。今土耳其實土 波斯。即今大秦之意 希臘。今土耳其東土 非尼西亞。即加爾達額在北境之類 皆別為一傳。附於今本國之後。庶

太耳其東土 羅馬。即大秦今意 厄日多。即麥西在土耳其東土 非尼

阿非利加北境

今土

大里亞列國

今土耳其實土

希臘今土耳其實土

非利加北境

今土耳其實土

瀕界畫分明。不涉牽混。

一泰西諸國。疆域形勢。沿革物產時事。皆取之泰西人雜書。有刻本。有鈔本。拜月報新聞紙之類。約數十種。其文理大半俚俗不通。而事實則多有可據。諸說間有不同。擇其近是者從之。亦有晤泰西人時得之口述者。湊合而敷衍成文。期於成片段而已。取材既雜。不復注其出於某書也。

一泰西人。如利瑪竇艾儒略南懷仁之屬。皆久居京師。通習漢文。故其所著之書。文理頗為明順。然夸誕詭譎之說。亦已不少。近泰西人。無深於漢文者。故其書多俚俗不文。而其敘各國興衰事蹟。則確鑿可據。乃知彼之文轉不如此之樸也。

一外國地名最難辨識。十人譯之而十異。一人譯之。而前後或異。蓋外國同音者。無兩字。而中國則同音者。或數十字。外國有兩字合音。三字合音。而中國無此種字。故以漢字書番語。其不能脗合者。本居十之七八。而泰西人學漢字者。皆居粵東。粵東土語。本非漢文正音。展轉淆訛。遂至不可辨識。一波斯也。而或譯為白西。轉而為巴社。訛而為高奢。余嘗令泰西人口述之。則曰百爾設。又令其筆書之。則曰比耳西。今將譯音異名。註於各國之下。庶閱者易於辨認。然亦不能遍及也。

一泰西人。於漢字正音。不能細分。斯也士也是也。實也西也蘇

瀛環志畧
也。混為一音。而刺與拉無論矣。土也都也度也杜也多也突也。泰西各國語音。本不相同。此書地名。有英吉利所譯者。有葡萄牙所譯者。英人所譯。字數簡。而語音不全。葡人所譯。語音雖備。而一地名至八九字。詰屈不能合脗。如花旗之首國。英人譯之。曰緬。讀如美。葡人譯之。曰賣內。內讀如呢。今姑用以紀事。無由知其孰為是非也。

一地名中。亞字在首者皆讀為阿。在尾者多讀為訏。加字多讀為戛。平聲亦有讀為家者。內字皆讀平聲。音近尼。疴字讀如訶。一各國正名。如瑞國。當作瑞典。哩國當作哩馬。西班牙當作以

西把尼亞。葡萄牙當作波爾都噶亞。然一經更改。閱者猝不知為何國。故一切仍其舊稱。


一外國地名人名。少者一字。多者至八九字。絕無文義可循。數名連寫。閱者無由讀斷。今將地名人名。悉行鉤出。間加圈點。以醒眉目。明知非著書之體。姑取其便於披閱耳。


之珠室


蘇周

土
非
王
居

國
史







地球

地形如球以周天度數分經緯線縱橫畫之。每一周得三百六十度。每一度得中國之二百五十里。海得十之六有奇。土不及十之四。泰西人推算甚詳茲不贅

地球從東西直剖之北極在上。南極在下。赤道橫繞地球之中。日馭之所正照也。赤道之南北各二十三度二十八分。為黃道限。寒溫漸得其平。又再北再南各四十三度四分。為黑道去日馭漸遠。凝陰沴結。是為南北冰海。

地球從中間橫割之北極南極在中。其外十一度四十四分。為黑道。再外四十三度四分。為黃道限。再外二十三度二十八分。



瀛理志畧

卷之一

赤道環之。

按北冰海人人知之。南冰海未之前聞。頃閱西洋人所繪地球圖於南極之下註曰南冰海以為不通華文誤以北冰海例稱之也。詢之米利堅人雅裨理則云此理確鑿不足疑也。赤道為日馭正照之地。環繞地球之正中。中國在赤道之北。卽最南濱海之間廣尚在北黃道限內外較之北地寒暖頓殊。遂以為愈南愈熱抵南極而石爍金流矣。殊不知日馭所行乃地球正中之地由閩廣渡海而南水程約五六千里而至婆羅洲一帶乃正當赤道之下其地隆冬如內地之夏初然再南而至南黃道限之外其氣漸平再西南而至阿非利

加之岐朴則已見霜雪又再西南而至南亞墨利加之鐵耳
聶離已近南黑道則堅冰不解當盛夏而寒粟由此言之南極之為冰海又何疑乎中國舟行不遠以閩廣為地之盡頭。遂誤以赤道為南極固宜其聞此說而不信也。

大地之土環北冰海而生披離下垂如肺葉凹凸參差不一其形泰西人分為四土曰亞細亞曰歐羅巴曰阿非利加一作亞利加此三土相連在地球之東半別一土曰亞墨利加在地球之西

半四大土之名乃泰西人所立本不足為典要今就泰西人海圖立說姑仍其舊近又有將洋洋羣島名為阿塞亞尼亞州

稱為天下第五

大州殊屬牽強。

亞細亞者北盡北冰海東盡大洋海南盡印度海西括諸四部。

西南抵黑海。在四土中為最大。中國在其東南。卦兼震巽。壤盡膏腴。秀淑之氣精微。之產畢萃於斯。故自割判以來。為倫物之宗祖。而萬方仰之。如辰極。我朝幅員之廣。曠古未有。東三省之東北隅地接峩羅斯。正北之內外蒙古諸部。悉其庭幕。編入八旗為臣僕。西南之青海。兩藏。置侯尉而安枕。西北之新疆。回疆。包漢志。西域諸國之大半。而卡外之哈薩克。布魯特諸部。歲以牲畜供賦役。東海之朝鮮。琉球。南裔之交趾。暹羅。緬甸。南掌。廓爾喀諸國。修貢職無愆期。是亞細亞一土。未奉我正朔者。僅有東海之倭國。北裔之峩羅斯。極西之弱小諸回部。南荒之印度。諸國耳。則中國之在亞細亞。固不止得其半也。

歐羅巴者。亞細亞極西北之一隅。地形與海水相呴。燭比之亞細亞。不過四分之一。部落甚多。就其大者言之。約十餘國。其人性情精密。工於製器。長於用舟。四海之內。無所不到。越七萬里而通於中國。凡中國之所謂大西洋者。皆此土之人也。

阿非利加。在亞細亞之西南。當羅經坤申之位。東西南三面皆大洋。北面內海界隔。紅海。地中海。僅一線與亞細亞相連。其地廣莫。約得亞細亞之半。遜北有回部。餘皆黑夷。天時炎酷。土脈粗頑。人類混沌。在四土中為最劣。

亞墨利加。在地球之西半。與三土不相屬。地分南北兩土。中有細腰相連。北亞墨利加之北界。直抵永海。其西北一角。與亞細

亞東北一角相近。中隔海港數十里。東面與歐羅巴諸國隔大西洋海遙對。西面大洋海直抵亞細亞之東。方見畔岸。南亞墨利加與北亞墨利加一綫相續。其極南地盡之處已近南水海。兩土合計約與亞細亞袤延相埒。其地自割判以來未通別土。歐羅巴人於前明中葉始探得之。

四土皆從北極紛披下垂。南黃道之南僅有島嶼。再南則汪洋一水。直至南極無片土矣。土在上而水在下。亦坤輿自然之理也。

雅裨理云。兩年前佛郎西英吉利米利堅西班牙四國曾遣四舟向南探之。近南水海一帶尚有國土。其廣狹未能詳也。

四大土之外島嶼甚多。最大者澳大利亞餘則亞細亞之南洋諸島。亞墨利加之海灣羣島皆商艘數至之地也。

土之外皆海也。一水汪洋誰為界畫就各土審曲面勢強分為五。曰大洋海曰大西洋海曰印度海曰北冰海曰南水海。

大洋海者由亞細亞之東抵南北亞墨利加之西即中國之東洋大海。泰西人因其風浪恬平謂之太平海。洋面之廣闊以此為最。蓋環繞地球之半矣。米利堅人謂赴粵買茶。由此路可近三萬里。因其過峽處太險。山之盡頭。番謂之峽。且汪洋數萬里無添備水食之處卒亦罕有行者。

大西洋海由歐羅巴阿非利加之西至南北亞墨利加之東遠

者萬餘里。近者不足萬里。

印度海北至亞細亞東至澳大利亞西至阿非利加由適中之印度一土而南望故西人以此稱之即中國之南洋暨所傳之

小西洋。

北冰海者亞細亞歐羅巴北亞墨利加三土之北境環而拱之近岸千百里霜雪凝結堅冰不解海有大魚能吞舟莊子所謂北溟有魚其名為鯤者殆謂是歟。

南冰海在南極之下氣候與北冰海相若。


亞細亞有阿勒富海在波斯刺伯之間又有紅海秦西名勒爾西皆由印度海分注歐羅巴有地中海秦西名墨力特爾勒尼安一作美的德拉薩又有黑海

泰西名勒必西又有黃海秦西名波羅的海皆由大西洋海分注惟亞細亞西境之鹹海一名死海又名鹽海秦西名亞裏海泰西名密又作加斯此約則與大海絕不相通蓋本大澤强名之為海耳

皇清一統
輿地全圖

圖書

鈴江貴中臨



皇清一統輿地全圖
 坤輿大地。以中國為主。疆域之界畫。山川之形勢。人人知之。
 不煩覲縷。我國家龍興良維。奠基遼瀋。吉林一省。東盡赫哲。
 費雅諸部。黑龍江一省。北跨外興安嶺。周廻萬餘里。皆自古
 重譯不到之地。至若鮮裘毳幕。碁布北庭。內外蒙。
 蟠廻西域。新疆裏平箕子之遺封。朝烏斯吐藩之舊部。青海。
 皆限異方。今歸典屬。輶車往復。幾亦無殊。且又內府圖志考
 條綦詳。諸子百家論述尤夥。非危言之所能盡。亦非外史之
 所宜言。謹摹皇朝輿地全圖於卷首。而說不贅焉。



初定言。始奉皇牌與其全圖。亦持首面。而道不贊復。

勅奉執事百官滿紙。亦碑。非事。言。一。於。諸。道。不。贊。復。

皆用與太令。魏與。蜀與。車。主。與。與。與。與。與。與。與。

缺。與。與。與。與。與。與。與。與。與。

重。難。不。降。之。城。至。華。都。東。都。君。君。君。君。君。君。

齊。仰。恭。善。男。前。一。首。丘。都。木。頭。大。將。鳳。波。美。達。通。

王。王。王。王。王。王。王。王。王。王。王。王。王。王。王。王。王。王。

軒。生。大。成。大。成。大。成。大。成。大。成。大。成。大。成。大。成。

書。一。殘。與。並。全。圖。

五 經 玉 函

聯
圖


海水北

大洋大海又名
太平海即東

印度海又
名小西洋

五印度

鵝蘭



亞細亞

亞細亞。本土耳其買諾古時地名。其西土國名。有東中西三土。其中土名買諾。今稱亞細亞。泰西人於此土之東。統名曰亞細亞。幅員之廣。為四土之最。居是土者。為中國之十八省。東三省。內外蒙古諸部。新疆回疆。青海。前後藏。其北際海。為義羅斯之東境。其東濱海藩國。曰朝鮮。海中三嶋。曰日本。又小嶋曰琉球。其南與中國之滇粵諸省。毘連者。曰安南。暹羅。緬甸。南掌。散布南海之中者。曰南洋羣島。其西北與新疆回疆。毘連者。曰西域諸回部。其西南與西藏。毘連者。曰廓爾喀。曰五印度。再西為阿富汗。俾路芝。波斯諸回部。再西南為阿刺伯回部。再西北為土耳其。其之東土即猶太。再




西為土耳其之中土買諾。所謂小亞細亞者也。北距北冰海。東距大洋海。即東海。南距印度海。即南海及西海。距紅海。地中海。黑海。是為亞細亞之全土。

按義羅斯境土。在亞細亞者十之六。而其國都在歐羅巴之波羅的海隅。土耳其東中兩土在亞細亞而其建都之西土。亦在歐羅巴。兩國分圖。俱歸之歐羅巴。如其實也。

東洋圖







錢氏貴中圖

東洋二國

東洋浩渺。一水直抵亞墨利加。西海數萬里。別無大土。附近中國者。止有日本琉球二國。蓋神州之左端也。西洋人海圖。將鮮以此係屬錯誤。彼市舶罕到東洋。就所傳聞者。以意為之耳。茲據海國聞見錄更正之。

日本古稱倭奴。其國在東海中。平列三大嶼。北曰對馬嶼。與高麗南境相直。一夜可達。明季關白為亂者是也。中曰長崎。上較大與浙海普陀山相直。内地商船互市於此。南曰薩峒馬。與浙之溫台相直。人強健。刀最利。兼產馬。明嘉靖年間擾閩浙之倭寇。薩峒馬也。三島之外。小島甚多。王居長崎之東北。地名彌耶。穀譯曰京官皆世祿。仍漢制稱刺史二千石。文字同中國讀以

倭音歷代以來不爭王而爭上將軍故上將軍第宅時更新主而王無易姓立法嚴人少鬪爭犯法者輒走山谷自殺呼童僕鳴掌則應竟日不聞人聲好佛敬祖先得香花佳果必供佛或走獻祖墳俗尚潔街衢時時掃滌男女皆大領闊袖女加長以曳地繪染花卉襪裏帛幅著短襪曳絲履男髡鬚而雜須額留鬚髮至腦後闊寸餘綰為髻髮長者翦之女多美髮日洗條薰以楠沈前後挽髻插玳瑁簪其男女眉目肌理髮歸華土信東方秀氣之所鍾也長崎與普陀東西對峙水程四十更六十里為一更橫洋翦渡風浪極險須門至長崎水程七十二更由其至灣雞籠山之北渡米糖洋香草洋北風從五島門進南風從天堂門進

前明中葉大西洋之葡萄牙嘗欲據其海口又以洋教誘其土人日本與之戰荷蘭以兵船助日本葡萄牙遁去故其國與通商者中國與荷蘭而已所產者紅銅硫磺海菜之類節採海國聞見錄

顧亭林天下郡國利病書云倭奴隣三韓而國故名韓中倭後自惡其名更號日本在東南大海中依山島而居地方數千里為畿五曰山城曰大和曰河內曰攝津曰和泉共統五十三郡為道七曰東海統一百十六郡曰南海統四十八郡曰西海統九十三郡曰東山統一百二十二郡曰北陸統三十郡曰山陽統六十九郡曰山陰統五十二郡為島三曰伊

岐曰對馬。按海國聞見錄稱自本平列三大島其迤北者名對馬島而此所云對馬島止統兩郡蓋對馬本北境小島之名後來遂以為北境總名余嘗見日本人所作廣對馬島賦倣選體極瑰麗自注云島小不足賦故廣言之亦一證也曰多襲各統二郡地皆依水附輿郡之大者不過中國村落戶可七萬課丁八十萬有奇國王一姓歷世不易初

號天御中主居築紫宮其子號天村雲尊自後皆以尊為號傳世三十二至彥徽尊第四子號神武天皇徙太和州櫻原宮傳至守平天皇凡四十一世復徙都山城國其國文武僚吏皆世官自兩漢時始通中國魏晉以後得五經佛教於中國於是沙門之教盛行唐貞觀間嘗遣使往諭宋初遣國僧齋然浮海貢獻太宗賜紫衣厚存撫之其傳國已六十四世

矣。按後漢書倭在韓東南大海中依山島為居凡百餘國自武帝滅朝鮮後通漢者三十許國大倭王居邪馬臺國男子皆黥面文身男女無別飲食以手俗皆徒跣云云是日本在漢時并非一國俗與諸番島無異其文字官制自是兩漢通中國後始學得之此所云六十四世溯之當在高周其國王一切名號當係通華文後增飾為之耳又元史文永世祖至元間遣的黑由高麗往諭日本日本不納又命秘書監趙良弼往日本始遣使臣彌四郎來然良弼再往皆僅至其太宰府未至王京十一年命經略忻都等以舟三百載兵一萬五千人征之入其國敗其兵矢盡而還十八年命范文虎阿塔海將兵十萬以戰船九百征日本至平壠島大風破舟文虎等乘堅船遁還棄十餘萬衆於山下盡為日本所殲得還者三人而已後再議征討以劉宣言而止又明史洪武

四年日本國王良懷遣僧祖朝來貢。文忠五年以後屢寇山東浙江沿海備之。永樂惠本十年元年國王源道義遣使入貢賜以金印仍寇抄不已。十七年總兵劉江大破倭於望海塢。俘斬二十餘人。由是稍斂迹。嘉靖初國王源義植幼聞不能制命羣臣爭貢。僧宗設與僧瑞佐在甯波爭坐次相仇。遂大肆殺掠。屢寇甯台。徽人汪直為倭舶渠魁。奸民徐海陳東毛烈並引倭為寇。沿海騷動。王忬督師至浙。薦材勇將俞大猷等。大有斬獲。既而罷去。以張經督軍務。大破倭於王江涇。因趙文華讒構論死。倭遂犯蘇松諸郡縣。所至殘破。胡宗憲為總督。以計誘殲徐海。俘麻葉陳東。復誘汪直內渡斬之。賊渠畧盡。而汪直

餘黨趨閩海大肆殺掠。屢破郡邑。宗憲尋被逮自殺。命戚繼光劉顯俞大猷協力剿閩廣賊。屢戰克捷。擒斬畧盡。倭患始息。文忠元年萬曆二十年。倭酋平秀吉寇朝鮮。秀吉者薩摩州人。販魚為業。關白信長關白日本官名收養之。能畫策。會信長為其下所殺。秀吉平其亂。遂居關白之位。以誘刻降六十六州。朝鮮之金山與日本對馬島相望。時朝鮮王李昞湎於酒。秀吉謀取其國。遣其渠行長清正率舟師數百艘逼釜山鎮。朝鮮望風潰奔。平壤復奔義州。倭遂入王京。剽府庫。八道幾盡沒。王復遣人探之。嘉興無賴子沈惟敬應募往。尋以李如松為東征

提督襲平壤大捷斬級千二百餘皆焚溺死行長遁還龍山。官軍乘勝輕進敗於碧蹄館已而封貢之議起石星主之為倭所給乃再議東征以刑玠總督薊遼楊鎬駐天津倭渠清正攻南原守將楊元棄城遁官軍退守王京麻貴攻尉山垂克而遽收軍官軍尋大潰死者萬餘時劉綎以川兵至約行長為好會行長以五十騎來綎伏兵欲擒之行長馳去無何平秀吉死諸倭引兵歸劉綎等邀擊之有斬獲倭遂揚帆去諸帥以大捷聞論功有差沈維敬以通倭棄市云余嘗謂日本一國嵒嵒大海之東制倣周漢文同斯邈非以寇攘為俗者自通中國以來雖其球不時至而未嘗西向遺一矢付之

度外何損華威元世祖雄心夸肆忽欲強以臣妾招諭不從威以兵力無端舉十萬之師坑之海外輪臺旋悔不謀再舉倭人自是遂有輕中國之心有明一代寇掠頻仍馴至東南半壁蹂躪無完宇而朝鮮亦幾遭蠶食皆由元人為之禍始也我國家龍興遼瀋聲靈先播賜谷扶桑片土龍襟牒有年故靜守東隅不敢箕踞向漢又禁絕貢舟我之估帆往而彼之市舶不來二百年中遂相安於無事信籌邊自有良策矣

元王惲汎海小錄云由對馬島六百里踰一岐島又四百里入容浦口又二百七十里至三神山其山峻削羣峯環繞海心望之鬱然為碧芙蓉也上無雜木惟梅竹蘿薜松檜杪羅

等樹。其居民多徐姓。自云皆徐福之後。海中諸島。此最秀麗。方廣十洲記所云。海東北岸。扶桑蓬邱瀛州周方千里者也。余按。三神山本方士夸誕之說。用以欺誑人主。果即係日本附近小島。則當日船交海中。何為求之不得。後漢書倭國傳稱。會稽海外有夷洲及澶洲。秦始皇遣方士徐福。將童男女數十人入海求蓬萊神仙。不得。徐福畏誅。不敢還。遂止此洲。世世相承。有數萬家人民。時至會稽市。王惲小錄所云。或即夷洲澶洲之類。至三神山之名。其為傳會無疑也。泉州陳資齋提軍倫少時。嘗附商舶遊日本。言其風土甚悉。云日本人皆覆性單姓者。徐福配合之童男女也。徐福所居之地。名徐。

家村。其塚在熊指山下。云徐家村。熊指山。不知在日本何地。蓋華人入倭。自徐福始。其遺民年久繁衍。遂散布於通國。倭人通中國文字。當係君房教之。特海外遠夷。輶車罕至。往來者皆商賈之流。無由探悉其原委耳。

琉球在薩峒馬之南。東洋小國也。周環三十六島。皆海中拳石。其國都之島較大。南北四百餘里。東西不足百里。舊分山南山北中山三國。後并入中山為一。故稱中山王。王尚姓。自紀載以來。一姓相傳。無改步。國小而貧。逼近日本。屬役良苦。自前明世修貢職。我國家煦育寰瀛。體恤尤至。其貢舟三年一至。許其販鬻中土之貨。免其關稅。舉國賴此為生。王薨則世子遣使請命。

例遣文臣二人為正副使賜一品服持節航海冊其世子為中山王故其國之風土多有能言之者由福州之五虎門放洋用卯針約四十餘更至孤米山其國之大島也再東卽至其國國分三路曰首里曰久米曰那霸由內地往收泊必於那霸其地商賈萃集為大都會王居首里山之脊也國與中國同文官之最尊者為金紫大夫歲得俸米百石以次遞殺守土之官曰按司一按司所轄約六七里土磽瘠產米絕少以地瓜為食即番薯非官與耆老不食米地無麻絮以蕉為布類織蒲負戴者圍下體餘皆裸露海風最烈屋瓦常飛故構屋甚卑簷與肩齊王居與使館較軒昂以大繩繫柱而釘於地防海風也其士大夫以

黃帛為冠似浮屠氏之冠大領博袖繫帶

周海山尚書嘗使琉球著中山志云琉球自古未通中國隋時有海船望見之始知有其地因其島與糸蟠如虬龍流動之形故稱為流虬後乃改為琉球字唐宋以後漸通中土明初入貢太祖賜以閩人善操舟者三十六姓修貢職甚謹封舟頻往後為日本所滅王被虜不通音信者數十年已而遣使來言王被執不屈倭送還復國由是復修職貢如常期云余按琉球東洋小島受役於倭貧弱不能自存惟賴貢舟貶鬻稍得餘資以糊口資本皆貸於日本販回之貨運往日本者八九國人貧甚不能買也其國比之南澳平潭差大而不

南洋
各省
各國
通

圖書

及臺灣之半。蓋滄海之一粟耳。然累世效貢職受正朔。遂為東海藩臣。比於朝鮮。交趾。國貴自立。豈不信哉。

七洲洋

西洋

廣南灣

廣南即占城
今并入越南

真臘

即東埔寨

峴竹

大野

加里安

小野

加里安

新嘉坡

新嘉坡

新嘉坡

新嘉坡

新嘉坡

檳榔嶼

峴古

怒江
澜沧江

夷怒

密薩阿

江布波魯雅

甸緬

即南掌
老掌

湄南河

南雲西廣

暹

羅
暹

都城谷

羅附

湄南河口

湄南河

塞

大葉

茶

茶

茶

茶

茶

茶

茶

茶

茶

茶

茶

孟加拉

孟高莫

都蒲甘

塔

楚

南

河

南

河

南

河

南

河

南

河

南

河

南

鈴江貫中路

鈴江貫中路

平南洋濱海各國

亞細亞大地。由中國之西南斜伸入海。迤邐漸削。至彭亨。魄力而盡。東為中國之南洋。西為小西洋。中間大國三。曰越南。曰暹羅。曰緬甸。小國一。曰南掌。四國內附多年。南掌彈丸地。不濱海。今記南洋諸國。連類及之。

越南即安南。古之交趾。秦以後唐以前皆隸版圖。南界之林邑
漢末即自立為國。後稱占城國。安南至後五代時乃列外藩。今
并占城為一國。復兼真臘。北境安南故地。南境占城。真臘故地。
稱曰廣。南北界廣東。廣西。雲南三省。西界暹羅。東南面大海。都
城曰順化。在富良江之南岸。衣冠仍唐宋之制。坐則席地。貴人



乃施短榻。取士用策論詩賦。設鄉會科。士大夫皆好吟詠詩。或劣不成句。而人人喜為之。國分四十餘省。一省所轄止數縣。文武官名畧同内地。總督皆阮姓。王之族也。貴官坐堂。皇或解衣。捫蟲其簡陋。如此。宴客設銅盤。置蔬肉各少許。無醯醢。以醃魚汁代之。鴉片之禁甚嚴。犯者立寘。重典。東南臨海有都會。曰祿奈。或作祿賴。一作龍奈。一作農耐。占城之故都也。南境臨海有都會。曰東埔寨。真臘之故都也。閩廣商船。每歲往來貿易。別國商船入港。譏防甚嚴。榷稅亦重。諸國惡其煩苛。故市舶罕有至者。所產者番木沉楠。諸香鉛錫。桂皮象牙。燕窩魚翅之類。其入貢由廣西之太平府入關。不由海道。安南本中國地。諸書言之綦詳。故不另贅。

顧亭林天下郡國利病書云。安南古交趾也。秦開嶺南以交趾。隸象郡。漢武帝置交趾九真日南三郡。光武中興。以任延錫光爲交趾九真守。教耕種制冠履。始知婚娶立學校。女子徵側徵貳反。馬援討平之。仲長子建安中。改爲交州。前五代並因之。唐初改安南都護府。安南之名始此。五季梁貞明中。爲土豪曲承羨所據。自是迭相奪。管內大亂。有丁部領者平之。宋乾德初。上表內附。詔以部領爲安南郡王。自是始爲外夷矣。部領傳子璉及璿。大校黎桓篡之。傳二十年。至子龍廷。爲李公蘊所篡。李氏傳八世。二百二十二年。至李昊。昊無子。女昭盛立。避位于夫陳日照。詔封日照爲安南國王。傳至日烜。元世祖

祖召使入觀。不奉命。大發兵討之。尋遣使謝罪修職貢。陳氏傳十二世。凡一百七十年。至明洪武二十二年。陳煒為其國相黎季犖所弑。季犖子蒼更名胡查。改國號曰大虞。永樂二年老撾送日烜孫陳天平至。諭查迎還故主。查陽奉命。天平至伏兵刦殺之。命朱能張輔沐晟等率兵討之。生擒黎季犖。黎蒼即胡查。遂復安南為郡縣。立都布按三司。分為十五府五州。後因中官馬駕貪贋誅求盜賊蠭起。上官黎利乘之為亂。宣德元年。命王通柳升討之。柳升敗死。王通棄地與利盟約而退。宣宗由是決意棄安南。黎利尋奉表謝恩。命利權署國事。黎氏傳十世一百十年。嘉靖二年。嘉靖元年。黎譴為其臣莫登庸所。

篡命仇讐毛伯溫討之。登庸面縛降。以為安南都統使。自是來貢不絕。云云。按莫氏之後。復為黎氏所奪。兼并占城為一國。稱占城為廣南。以大酋阮氏世守之。漸成尾大。我朝乾隆末年。黎維祁為廣南大酋阮光平所逼。棄國來奔。大兵征之。光平初拒命。尋乞降入朝受封。傳子光纘。為黎氏之甥阮福暎所滅。福暎請更國名。改封越南國王。至今世修貢職焉。○又天下郡國利病書云。占城古越裳氏地。在交州之南。秦為象郡林邑縣。漢末大亂。功曹子區連殺縣令自號為王。謂之林邑國。數世後其王無嗣。甥范熊代立。傳子逸。晉咸康二年逸死。夷奴范文纂立。都典衝。侵擾交州。進寇九德。傳子佛孫。

胡達屢寇日南九真交州遂至虛弱至胡達孫文敵為扶南所殺大臣范諸農平其亂自立為王傳子陽邁孫咄宋元嘉二十年使宗慤檀和之討之乃遣使朝貢隋初未賓服遣劉方甯長真伐之其王梵志遣使謝罪于是朝貢不絕唐貞觀中王頭黎死子鎮龍被弑立頭黎女為王國人不服更立頭黎姑之子諸葛地為王妻以女國乃定周顯德五年王釋利因德漫遣使朝貢始自稱占城國有宋一代屢入貢時時與交州構兵乾道四年占城以舟師襲真臘入其國都慶元五年真臘大舉伐占城殺戮殆盡俘其王以歸國遂亡其地悉歸真臘因名占臘云其後國王或云真臘人或云占城恢復

無可據者元世祖至元十五年遣使貢方物奉表降十九年以其國王卒由補刺者吾旣內屬即其地立省而其子補的負固不服遣唆都征之自廣州航海至占城港分遣陳仲達等由瓊州三道攻之入其國其王逃入山遣使求歸順復潛殺使臣唆都轉戰至木城下阻隘不得進遂引還雖歸款終無順志明洪武元年遣使入貢二年遣行人吳用賜以璽書自是常修貢職迄嘉靖年間朝貢不絕云云余按占城自漢末自立為國相傳千有餘年後為安南所并名其地為廣南今王安南之新阮舊阮皆由廣南藩封得國蓋江黃之不祀久矣○又天下郡國利病書云真臘一名甘幸智一作莫惹又

作澈浦只。又作千波。詳明太皇底阿俗稱東埔寨。

又曰吉篾。本扶南屬國。隋時始通中國。

唐貞觀初。

并扶南而有之。

唐人虬髯客

其南有徼國。

人名混浩。來化葉

先女子為王。號曰葉柳。

柳音

傳疑是寓言。

扶南即狼臘國。其

柳遂以為妻。惡其裸。教著貫頭。國內效之。男子下體著橫幅。曰水慢。其後天竺僧槁陳如有其國。教國人事天神。每旦誦經咒。故易世既久。真臘重僧云。唐永徽初。并有鳩密富那伽乍武令僧高等國。神龍詳書以後。國分為二。其南近海。號水真臘。其北多山阜。號陸真臘。後復合而為一。及滅占城。號為占臘。役屬參半。真里登流。明蒲甘蒲甘即緬甸等國。各領聚落。大者十餘地方。七千餘里。元元貞中。遣使招諭之。乃始臣服。明洪武

永樂年間。累次朝貢。又云真臘城周二十里。戶口二萬餘石。濶廣二十餘丈。屬城三十。各數千戶。王宮及官舍皆面東。城門上有石佛頭五。飾其中者以金。當國中有金壇金槁。王宮正室瓦用鉛。歲時相會。則羅列玉猿。孔雀。白象。犀牛於前。飲食用金盤金盃。故俗稱富貴。真臘詳書又陳資齋海國聞見錄云。東埔寨介居兩大之間。東貢安南。西貢暹羅。稍有不遜。水陸各得并進而征之。余按據顧書。則真臘在明初尚稱富盛。據陳錄。則真臘在國初尚存小國。今則為越南之嘉定省。不知何時夷滅。蓋安南雖累世通貢。而蠻觸相吞。向無入告之說。故占城真臘之亡於何時。竟未有能言之者。陳資齋海國

聞見錄云。安南以交趾為東京。以廣南為西京。由廈門赴廣南。取道南澳。見廣之魯萬山。瓊之大洲頭。過七洲洋。取廣南外之咗嗶羅山。而至廣南。計水程七十四更。七洲洋在瓊州府萬州。洲洋西繞北而進。計水程七十二更。赴交趾則由七洲洋。往南洋者必經之路。中國商舶行海。以望見山形為標識。至七洲洋則浩渺一水。無島嶼可認。偏東則犯萬里長沙。千里石塘。偏西則溜入廣南灣。舟行至此。固不惕惕。風極順利。亦必六七日方能渡過。七洲洋有神鳥。似海鷗而小。紅嘴綠腳尾帶一箭。長二尺許。名曰箭鳥。行舟或迷所向。則飛來導之。

俗傳紅毛船最畏安南。不敢涉其境。其人善於泅水。遇紅毛來板。則遣數百人背竹筒。攜細縷。沒水釘於船底。從遠處登各小舟牽曳之。俟其擋淺。乃火焚而取其貨。又或謂安南人造小舟。名曰軋船。能攻夾板船底。故紅毛畏之。以今考之。皆不甚確。蓋占城之北。海形如半月。海水趨灣。其勢甚急。海舶或溜入灣內。無西風不能外出。紅毛夾板入溜。擋淺。曾敗數舟。故至今歐羅巴人涉海。以望見廣南山為厲禁。商舶入安南內。港土人皆用小船繫繩牽引。乃慮其擋觸礁淺。藉為嚮導。即中國各港之引水船。反用之以碎敵船。理或有之。惟沒水而釘船底。則事涉杳茫矣。至軋船之製。曾有繪圖倣造者。施

之海面。仍無異常船耳。食之談施之實事。往往鑿枘。正不獨此一事也。

澎湖有蔡進士名廷蘭者。為諸生時。渡海遭颶風。飄至安南之廣義。王從陸路遣送歸。自廣義至諒山。歷安南十四省。所至之地。必有閩粵人聚處。各有庸長司其事。閩則晉江同安人最多。蓋不下十餘萬也。所著安南紀程。言之甚悉。

暹羅。南洋大國也。北界雲南。東界越南。南臨大海。西南連所屬各番部。西界緬甸。西北一隅界南掌。其地古分兩國。北曰暹南。曰羅斛。暹多山艱食。羅斛傍水有餘糧。暹乃降於羅斛。合為暹羅國。國有大水二。一曰瀾滄江。發源青海。歷雲南入暹羅之東。

北境至東埔寨入海。一曰渭南河。發源雲南之李仙把邊等河。至暹北境。會諸水成大河。至羅斛南境入海。海口曰竹與。由竹與入內港。至漫谷都城。萬國長一千數百里。水深澗容。洋艘出入。大城皆在河濱。最著者曰湛地門。曰萬巴曬。故都曰猶地亞。在渭南河上游。沿河一帶。居民皆架屋水中。華人構瓦屋。樓閣相望。土人所居皆蘆葦。渭南河勢緩而散。田疇藉以肥沃。農時掉舟耕種。插秧畢而河水至苗隨水長。不煩薅。溉水退而稻熟矣。米極賤。每石值銀三星。時載往粵東售賣。王文彩佛像體貼飛金。用金皿。乘象輦。以閩粵人為官屬。理國政掌財賦。俗崇佛。僧治門募食。各施精飯。食餘則餉鳥雀。蘭若無舉火者。又信

番僧符咒。一種人善呪法。刀刃不能傷。名為共人。王養以為兵衛。犯事應刑。令番僧以呪解之。方與施刑。西界有大城曰馬耳。大萬。南界有大城曰刺郡。皆著名富庶之地。國之西南。有斜仔六坤宋卡大咩吉連丹丁噶奴諸番部。皆其屬國所產者。銀鈔。錫。沈香。東香。降香。象牙。犀角。烏木。蘇木。米片翠毛。牛角。鹿筋。藤席。佳絞席。藤黃。大楓子。豆蔻。海參。燕窩。海菜。其入貢由海道抵粵東。

天下郡國利病書云。暹羅國本暹與羅斛二國。地古赤土及波羅刹也。暹國土瘠。不宜耕藝。羅斛平行而多稼。暹人歲仰給之。隋大業三年。屯田主事常駿等自南海郡乘舟使赤土。

至今訛傳為赤眉遺種。元元貞初。暹人嘗遣使入貢。至正間。暹始降於羅斛而合為一國。明洪武初遣使朝貢。進金葉表。七年九月。二十年皆入貢。二十八年遣內臣趙達宋福等使暹羅。祭故王賜其嗣王文綺。永樂元年遣使賀卽位。自是入貢不絕。十七年遣使諭其國王。俾與滿刺加平。即麻。十九年遣使貢方物。謝侵滿刺加之罪。自正統至嘉靖間。入貢如常期。云云。按暹羅自我朝定鼎之後。修貢職尤恭謹。乾隆中。國為緬甸所滅。旋恢復。故王無後。推立大酋鄭昭為長。昭中子華嗣立詰封為暹羅國王。相傳至今焉。暹羅為蠻方大國。隔以安南緬甸。與中國地界相接者。僅滇省邊徼之一隅。故自

古無擾邊之事。而恪修貢職。自元明迄我朝。五六百年無改易。可謂不侵不叛之臣矣。

海國聞見錄云。廈門至暹羅水程過七洲洋。見外羅山。向南見玳瑁洲鴨洲。見昆侖。偏西見大真嶼。小真嶼。轉西北取筆架山。向北至竹嶼港口。計一百八十八更入港。又四十更。乃抵萬國都城。共水程二百二十八更。而由廈門至柬埔寨。僅水程一百十三更。何以相去甚遠。蓋柬埔寨南面之海。盡屬爛泥。名曰爛泥尾。下接大橫山。小橫山是以紓廻外繞而途遠也。

暹羅流寓閩粵人皆有之。而粵為多。約居土人六分之一。有

由海道往者。有由欽州之王光十萬山穿越南境而往者。其地土曠人稀。而田極肥沃。易於耕獲。故趨之者衆也。然其國多蠱崇信符咒。風俗政治。遠遜安南。蓋安南夙隸版圖。漸被車書之化。而暹羅則終古荒服。僅達梯航。故宜其相逕庭也。緬甸一名阿瓦。種人蠻部。太國也。北界野夷。東北界雲南。南掌東界暹羅。西南距印度海。西北連東印度。其都城距雲南省三十八程。山曰小豹。水曰怒江。一名潞江。又稱大金沙。江發源前藏。歷雲南入緬界。濶五里。緬人恃以為險。其俗剽悍。性多詐。有室廬以居。象馬以耕。舟筏以濟。其文字進上者用金葉。次用紙。次用檳榔葉。謂之緬書。男子善浮水。綰鬚頂前。用青白布纏之。

婦人綰髻頂後事。佛教僧有大事則抱佛說誓。質之僧然後決。

國有五城。以木為之。曰江頭。曰火公。曰馬來。曰安正國。曰蒲甘。

緬王城。王所居也。其王稱達喇瓦底。向由雲南入貢。先是英吉

利蠶食東印度諸部。將及緬界道。文政七年光四年。緬王率大兵迎擊之。

英師敗績。已而英人以兵船入內港。即怒江口緬人奮力搏戰。為炮

火所轟而潰。英師將逼都城。王不得已議和。讓海濱曠土。為英

埔頭。其西南曰馬爾達般。曰達歪。其西北曰阿喀喇。緬人時懷

報復之志。尚未動也。英吉利有新闢之地。曰阿薩密。在緬甸西。本土夷地。英人徙東印度跨割有之。詳

五印度圖說。

南掌。一作緬掌。即老撾北界雲南。東界暹羅。西南界緬甸。地甚褊小。本

緬甸別部。國朝內附。貢馴象。

天下郡國利病書云。緬人古朱波也。漢通西南夷。後謂之撣。

唐謂之驃。宋元謂之緬。自永昌西南山川延邈。道里修阻。因

名之曰緬也。漢和帝永元五年。撣國王雍繇調重譯奉珍寶。

賜以印綬。安帝永甯元年。景祐五年遣使朝賀。獻樂及幻人。唐德宗十

八年。驃國王雍羌遣其弟悉利移來朝。獻國樂。其曲皆梵音

經論。憲宗元和元年。懿宗太和六年。皆遣使來貢。宋徽宗崇

甯四年。緬甸貢白象。五年蒲甘入貢。今緬甸王城。高宗紹興間。俱

來貢。元世祖至元中。由吐番三討之後。於蒲甘緬王城置邦

牙等處宣慰使司。明洪武間始歸附。永樂間。遣翰林張洪使

其地正統間宣慰奉次劄撫麓川叛夷思任思機來獻益以地嘉靖初孟養思倫猛密思真連兵侵緬殺莽紀歲緬訴於朝委官往勘不聽嘉靖中紀歲支子瑞體起洞吾復有其地東破纜掌即南掌南取土啞遷羅地攻景邁服車里因思個陷罕拔號召三宣為西南雄瑞體死應裏繼之萬歷十三年其族弟莽灼來歸應裏怒攻之灼奔騰越自是屢為邊患滇南為之騷然後為暹羅所攻乃不暇內犯云余按滇南諸蠻部即漢之徼外西南夷種類甚繁明初置六宣慰使司曰車里曰木邦曰八百大甸曰老撾曰孟養曰緬甸所謂滇南六慰者也後又增而為十此外則孟定孟良威遠灣甸鎮康置土府州南甸

千崖隴川耿馬孟密蠻莫潞江置宣撫司芒市孟璉茶山里麻鈕兀置長官司其後諸蠻蠢動屢煩征討麓川之役二思授首武功雖赫而勞費半天下緬甸則莽氏創霸之後頻年窺邊烽燧時舉蠻人好反其性固然武鄉侯之攻心至於七縱七擒馴擾殆非易易也我朝德威遠播悉主悉臣自西林相國建改土歸流之議草雜禽獮經營八九年而後定由是諸蠻部盡入版圖熙熙耕鑿無復帶牛佩犧者其南荒列外藩者僅有南掌緬甸兩國南掌弱小不足言緬甸則依山負海疆土遼闊我朝定鼎之初助鋤明礪首先効順乾隆中崛強犯邊旋仍賓服今且間隔印度為南海之屏藩關係亦非

淺鮮矣

清雅志畧

卷之三

卷一百一十五

按南荒諸蠻部。安南暹羅緬甸。國勢相埒。歐羅巴諸國。自前明中葉。卽航海東來。南洋各番島。處處占立。埔頭三國地。皆濱海。豈無繁盛之區。動其盼羨。安南雖有廣南灣之險。而內地商船。時時販鬻。我能往彼。豈不能往。暹羅則內港深通。駛行甚便。乃歐羅巴於此二國。皆未嘗措意。卽緬甸亦僅於海濱荒曠之土。草創一壘。而未嘗深入割據者何也。若謂因其貧瘠。不屑經營。則又不然。安南最貧。然物產未必遜於諸番島。暹羅緬甸。則夙稱豐饒。謂西人概從唾棄。非情也。蓋西人以商賈為本計。其沿海設立。埠頭專為牟利。若處處留兵護

守則得不償失。南洋諸島大小不同。皆四面環海。不相聯絡。其人則巫。未由番族。性既愚懦。復不知兵。地形可以周覽。而盡伎倆可以一試。而知震以炮火。即鳥驚獸駭。竄伏不敢復動。故西人坦然據之。而不疑。至安南等三國。地雖濱海。而境土則毘連華夏。山川脩阻。丁戶殷繁。進可以戰。退可以守。與各島之孤懸海中者。形勢迥別。又立國皆數千百年。爭地爭城。許力相尚。戰伐之事。夙昔講求。其意計之所至。西人不能測也。設強據其海口。即一時偉勝。能保諸國之甘心相讓乎。留重兵則費不貲。無兵則恐諸國之乘其不備。聚而殲旃旗。市舶雖往。而捕頭不設。殆為是耳。

